

Iamquetenebamus, qua spumifer æstuat Oenus
Ardua carpentes sub iuga montis iter.
Cuius in abrupto per nocteis vertice Cæsar
Diue tuus quondam Carule sedit auus.
Sylvestres quando capreas, damasq; bicornes
Aufus in aërea figere rupe fuit,
Culmen & ascendit iuuenis temerarius, vnde
Cum vellet, potuit non reuocare gradum.

MONUMENTVM OCCVRSVS IMP. CA-
ROLI V. ET FERDINANDI FRATRIS.

Qui per aspera Oenoponticæ vallis saxa Steinachium contendunt, & per iuga Rhætica, profundasq; montium valles iter faciunt, ad Pyrenes montis radices, obuiam habent in via columnam cum aërea tabula erectam, in qua pulcherrimè sculptura representatur duorum fratrum maximorum Imperatorum eo loci congressus letissimus. Caroli V. videlicet per Italiam ab Africana Tuneti expeditione redeuntis in Germaniam, ad Imperij res post longam absentiam constituendas: Et Ferdinandi Cæsaris fratri desideratissimo, quem à multis annis non viderat, cupidissimè obuiam occurrentis. Videntur ibi vtriusque Imperatoris factæ ad viuum effigies, & varij a seclarum Principum pro cuiusque more gentis habitus, manu artificis eleganter imitati. Mentionem huius etiam columnæ facit Germanus ille poeta, in suo itineraio, his versibus.

Hic post longa duo congressi tempora fratres
Carulus Hesperijs victor, Ferdinandus Eois;
Cum patrijs cuperent propellere finibus hostem
Ismarium, atque Ducum longas componere lites.

Huic autem sculpture, ad sempiternam rei gestæ memoriam, inscriptio talis subiungitur.

IMP. CAES. CAROLO. V. P. F. AAG. EX HISPANIIS ITALIAQ;
SVSCEPTIS IMPERIALIB. CORONIS ADVENIENTI ET
FERDINANDO. HVNGA. BOEMIAEQ; REGIE PANNONIIS.
OCCVRENTI OPT. PRINCIPIB. AD. PERPETVAM PVB.
LAETITIAE MEMORIAM QVOD FRATRES ANTE ANN. VIII.
DIGRESSI SVMMIS INTER MORTALES HONORIB. REGNIQ;
TRIVMPHIS AVCTI. HOC IN LOCO SALVI. SOSPITESQ;
CONVENERVNT ANNO SALVTIS M. D. XXX.

FRED. FRAZIVS A MONTE NIVEO STENACI PRAEFECT.
MANDATO REGIO. F. C.